

առեալ են, է իբրև զհնոցն բաբիլոնի. վասն որոյ ի դիպիլն քո տօթոյն պատրայու՝ յիշեա զտօթն մաշկաթու: Ի նաւին՝ բաց ի հասարակաց վշտաց նաւարկութեան, նեղէր զմեզ յոյժ, այլ և զամենայն ուղեկիցս մեր՝ անցկութիւն տեղւոյն և հոտն զարշութեան ամենայն ազգ զազանաց և անասնոց զորս լցեալ են ի նաւն: (Հ. Մանուէր և Հ. Սահակ առ Հ. Միք. Չամչեան, 1770 փետր. 7. Մաշկադ):

վնգ.

Շաբաթով յառաջ երևեցաւ ընդ ստահմանաւ հայկ համաստեղութեան գիտաւոր աստղ մի անտուտ ըստ նմանութեան անօր և լուսաւոր ամպոյ. մարմինն նման է հասարակ աստեղաց, պարածածկեալ ամպանման ցաւատեալ գիտով. օր ըստ օրէ մեծանայ, և շարժի ի հիւսիսակողմն. այժմ է ընդ երկրաւորաւ: Եւ յասէլն իմ ընդ հայկիւ և ընդ երկրաւորաւ, կարծեօք ասեմ. ըստ վեր ի վերոյ զննութեան իմոյ... Սիմոն կաթուղիկոսն բացեալ է տպարան յէջմիածին. այժմ եկն ոմն յէջմիածնէ, և ըստ որում տեսեալ էր պատմեաց թէ նորոգ տպեցին զտումարագիրք մի՝ զոր արարեալ է Սիմոն կաթուղիկոսին: (Հ. Միք. Չամչեան առ Մեղգոնեան, 1770 յուլիսի 1. ի Պարսա):

վնկ.

Ի յունիսի 27, եղև եանդըն ոչ փոքր ի ստամպոլ ի Փիէթրօ խափուսին ընդ զառ ի վերն մինչ ի յորմուսն սուլթան սէլիմին. և ըսկսաւ հրդեհն ի յեալըներէն. և էանց ընդ բերդն ի քաղաքն. և այրեցան տունք իբր երկու հարիւրք...: Ի յունիսի 29 տեսաք յերկինս զգիտաւոր աստղ մի մթագին, որոյ գէսք միգապատք իբր զճառագայթ կային զիւրեաւ. և ընթանայր ի հարաւոյ ի հիւսիս առնելով յաւուրն ընթացս չափ միոյ կենդանակերպի, կամ ասացից, ընթացս՝ որչափ առնէ արեգակն ի միում ամսոջ: Եւ տեսաք այսպէս աւուրս հինգ. և այլ ոչ երևեցաւ...: Ժանտախտն օր ըստ օրէ երթալով երթայ և զօրանայ, և այս մանաւանդ ի խալաթիայ: (Հ. Զաքարիա Ա. առ Մեղգոնեան, 1770 յուլիսի 15. [Կ. Պոլիս]):

վնր.

Այն գիտաւոր աստղն մթագին և մեզ երևեցաւ աւելի քան զհինգ օր, և անյայտ եղև: (Մեղգոնեան առ Հ. Զաքարիա, 1770 օգոստ. 22. [Ս. Ղազար]):

վնթ.

Պատերազմունք և խռովութիւնքն որպէս երևին ոչ են վերջանալոց շուտով. քանզի յաւուրս յայտոսիկ պատմեցաւ, թէ մոսկովն զմեծ յաղթութիւնս արարեալ է հազարացուցն զի պատահեալ նոցա առ հուլիսիս՝ անհնարինս կոտորեալ է զնոսա, զ40 հազարս ի նոցանէ գերի վարելով, և զ150 թօփս՝ և զբովանդակ օրտուն յափշտակելով. իսկ զՅնացեալսն առ հասարակ ի գետն թու նայու խեղդելով. և հազիւ վէզիրն ընդ թաթար խանուն մագապուրծ ազատեալք, և ապա դիմեալ քաջութեամբ ի վերայ պէնտէրին յառնուլ, յորմէ զօրքն տաճկաց զարհուրեալք զզրօշակն սպիտակ բացեալ անձնատուր լինին, բայց նա չէ մտեալ ի ներքս յաղազս ժանտամահուն: (Հ. Անտոնիւզարտաշեան առ Մեղգոնեան, 1770 օգոստ. 29. [Պաշարով]):